

CYNGOR CYMUNED CRYMYCH - CRYMYCH COMMUNITY COUNCIL

Clerc - Bethan Williams, Henllan Owen, Eglwysrwrw, Crymych, SA41 3UP
cyngorcymunedcrymych@gmail.com Ffôn/Tel 01239 831962 / 07974099738

Cofnodion Cyfarfod 01/10/2020

Yn bresennol:

Cris Tomos (Cadeirydd), Hywel Lewis (is-Gadeirydd), Dylan Sandbrook, Emyr Thomas, Eirlys Twigg, Arwyn Rees, Roger Howells, Iwan Evans, Keith Davies
Bethan Williams - Clerc.

1. Croeso ac Ymddiheuriadau

Croesawyd pawb i'r cyfarfod.
Doedd dim ymddiheuriadau

2. Cofnodion cyfarfod 3ydd Medi 2020

Cynigiodd Hywel Lewis eu bod yn gywir, eiliwyd hynny gan Emyr Thomas.
Derbyniwyd y cofnodion.

3. Materion yn codi o'r cofnodion.

4 - Materion o gofnodion cyfarfod Gorffennaf:

(5.7) Arwyddion baw cŵn. Maen nhw yn Neuadd y Sir o hyd, bydd Cris yn trefnu i rywun eu casglu

(5.8) Cae Chwarae Crymych - ger y maes Parcio - trafodaethau am welliannau yn parhau. Ond torrwyd un o'r siglenni ddiwedd Medi, mae Pwyllgor Prosiectau Crymych wedi creu tudalen Go Fund Me i godi rhyw £200, erbyn hyn mae dros £800 felly bydd unrhyw arian dros ben yn mynd at wella'r parc ymhellach. Nododd y Cadeirydd i bobl yr ardal fod yn hael iawn, fel arfer.

(5.9) Wyneb y ffordd ar Heol Portland. Mae anghytuno rhwng y bwrdd dŵr a'r cwmni band eang pwy sy'n gyfrifol am dalu am y gwelliannau. Mae'r cyngor sir wedi bod yn tynnu lluniau er mwyn gallu gwneud y gwaith ac anfonebau'r bwrdd dŵr neu'r cwmni band eang.

7- Llwybr Cyhoeddus yn Glôg: Mae'r llwybr cyhoeddus wedi ei addasu nawr fel ei fod yn mynd heibio'r felin ddŵr ac mae'r llwybr wedi'i agor.

8 - Grantiau COVID19: Does dim newydd am y grantiau ar gyfer y Sied yn Hermon na Chapel Seion eto.

12 - Cyllid: Mae'r llyfr siec gan y clerch bellach a Cris wedi'i ychwanegu at y mandad, ynghyd ag Eirlys, Hywel a Bil.

Meurig Harries - bydd Cris yn trafod taliad banc gydag e pan fydd e'n ei weld nesaf.

Cyflog olaf Undeg - mae Tudur bellach wedi derbyn yr arian, ac wedi diolch i'r cyngor cymuned am drefnu hynny.

Y clerch wedi cael manylion logio i mewn i gyfrif HMRC, ond mae angen cod sy'n cael ei ddanfôn at hen rif ffôn er mwyn newid cael mynediad. Cris yn trefnu hyn gyda Bethan.

13 - Arwydd ger Ysgol y Frenni. Bydd arwydd enw pentre Crymych yn cael ei symud wedi i'r gwaith ar y ffordd ddod i ben.

4. Gohebiaeth

Mae gohebiaeth yn cael ei ddanfôn ymlaen yn ôl yr angen.

Tynnwyd sylw yn benodol at gais gan PLANED i wybod ble mae'r hysbysfyrddau er mwyn eu mapio. Bydd Bethan yn rhoi gwybod bod dau yn Hermon (yn nhop a chanol y pentref), bod un ger Maes y Frenni (wrth yr arhosfa bws), un wrth yr eglwys yn Llanfyrnach ac un ar sgwâr Glandŵr.

Bethan i roi gwybod os oes posibiladau ar gyfer gwella neu ddiweddarau hysbysfyrddau fel rhan o'r cynllun.

5. COVID19 – Diweddaraf gan Gyngor Sir Penfro

Dros yr wythnosau diwethaf mae Sir Benfro wedi bod yr ail orau yng Nghymru o ran nifer o achosion.

Nodwyd i'r ardal fod yn lwcus o allu parhau i fanteisio ar dwristiaeth dros y misoedd diwethaf a bod cynlluniau yn cael eu trafod ar gyfer y tymor nesa o ran creu system dracio ayb.

Yn ogystal mae mwy o arian i Awdurdodau Lleol gyflogi swyddogion diogelwch cyhoeddus fydd yn sicrhau bod pobl yn cadw at y rheoliadau, ac â'r gallu i roi dirwyon.

6. Cae Pob Tywydd newydd Crymymch

Doedd swyddogion y cyngor ddim yn awyddus bod grŵp yn mynd draw i weld y safle cyn ei fod yn agored, oherwydd rheoliadau COVID-19 ar safleoedd adeiladu.

Bydd y cae yn barod erbyn wythnos hanner tymor.

7. Clawdd ger yr Arosfa Bws Hermon

Maer Cyngor Sir wedi torri rhan o glawdd cae Hermon, hyd at yr arosfa bws.

Hywel Williams wnaeth, mae e wedi torri coeden nôl oedd yn amharu ar olau stryd, felly os oes pethau bach fel cloddiau angen eu torri mae modd ei holi e i wneud.

8. Creu grŵp ar-lein ar gyfer Rhandir/Allotments Hermon a Crymymch

Mae chwech rhandir gan y Cyngor Cymuned yn Hermon, mae rhent o £5 y flwyddyn yn ddyledus tua'r amser yma'r flwyddyn. Awgrymwyd bod angen annog y rhai sy'n rhentu i greu grŵp er mwyn gwella'r tir.

Mae'r Cyngor Sir yn awyddus bod rhandiroedd ar draws y sir felly gorau i gyd os oes tir ar gael i bobl sydd eu eisiau.

9. Caeau Chwarae a fandaliaeth

Mae pwyllgor cae chwarae Crymymch wedi codi'r syniad o godi 50c ychwanegol yr wythnos ar gyfer parciau lleol.

Cris a Bethan i edrych faint yw precept y cyngor ar hyn o bryd, faint sy'n cael ei roi i'r heddlu ayb bob mis. Er nad yw 50c yn swm mawr iawn, ac mai dod yn ôl yn lleol fydd yr arian, dros flwyddyn bydd yn rhyw £24 y flwyddyn yn ychwnaegol felly mae angen bod yn ofalus i beidio cynyddu ormod arno.

10. Cynllunio:

Dim ceisiadau

11. Ymddiriedolaeth Tai Crymymch

Fe wnaeth Cris a Bethan gwrdd â Keith Henson o Tai Ceredigion.

Bydd Tai Ceredigion yn uno â Tai Canolbarth Cymru i greu Tai Barcud, ond maen nhw'n dal i fod yn awyddus i gynnig pum tŷ ar ddatblygiad Fferm Villa i'r ymddiriedolaeth tai. Gobeithio daw arian gan Lywodraeth Cymru ar gyfer yr ymddiriedolaeth tai yn y gwanwyn. Gan fod y tai yn cael eu hadeiladu ar y safle mae angen sicrhau bod tai ar gael i bobl leol.

Mae cynhadledd tai fforddiadwy yn digwydd yn yr Alban flwyddyn nesa, falle daw gwahoddiad i gynrychiolwyr yr ymddiriedolaeth tai i fod yn rhan ohono.

12. Cyllid

Yn y banc 31/08/2020: £15,422.01

Mae angen gwneud taliad o £3,000 am faes parcio Crymych, taliad am £450 i Waunfelen am y blodau yng Nghrymych a Hermon a thalu am yr archwiliad ariannol.

Cris i drefnu eu talu trwy BACS.

13. Unrhyw Fater Arall

Sbwriel

Mae cyflenwad o finiau ailgylchu gwydr gan y Ganolfan Hamdden yng Nghrymych, dim odn gofyn wrth y dderbynfa sydd ei angen.

Cafwyd cwyd am dipio sbwriel yn Glôg ar y troad i Degryn, a bod sbwriel yn cael ei daflu i adfail Ael y Bryn yn Glog yn rheolaidd.

Mae gan y cyngor sir gamerâu cudd ar gyfer dal pobl sy'n gadael sbwriel, mae modd eu gosod ble bynnag mae angen.

Bil Trydan

Mae bil trydan am £51.98 wedi cyrraedd am olau'r maes parcio yn Hermon, mae angen iddo fod yn enw Cyngor Cymuned Crymych yn hytrach na Hermon and District, mae e heb ei dalu eto felly.

14. Dyddiad a lleoliad y cyfarfod nesaf

Byddwn ni'n cwrdd nesaf ar y 5ed o Dachwedd.

Gallwn ni drafod cyfarfod mewn person yn agosach at yr amser ond mae'n debygol mai dros ffôn fydd y cyfarfod nesa eto.